



民國無棣縣志

侯蔭昌
張方墀
纂修



本書二十四卷首一卷末一卷，據民國十四年（一九二五）鉛印本影印。

續修無棣縣志序

昔太公之封於齊也賜履步疆北至於海課魚鹽利中國富厚甲天下決決乎大風哉歷世以來治海日爲桑田拓地益豐焦延壽氏所謂屏藩固國富我商人利得各邱者也五方之民牽負襁至來茲相宅漸以繁庶則其建置教養以及屯墾畜牧各大事日舉而月就星野風角形勢永宜城郭之興築也鄉社之位置也山林之啓闢也道路之通治也黍稷長養而牛羊蕃孳也庠序振興而人文輩出也是皆前賢經營創制後哲因沿充實其功非一手一足之烈其事有再變至道之序前者述而識之後者徵而治之凡風俗方物虞衡規約於政教之闕者進而完美焉物產之墮者進而培植焉工藝之廢者進而課最焉是稽鑑於往乘而措施於近政者固不重歟無棣年來潮汐填壅益地且逾百里土著游人之無棣縣志

來受地而舉者相屬於道過此數十年將盡植西山之木而蔚然增任村唐樹之盛則海壖之蕃饒更足以廣齊北之版圖拓里乘之部居焉余自民國壬戌歲來治縣事邑紳張君秋陽張君任夫等以重修縣志來署商榷邦人君子亦僉贊同其議夫無棣縣志書自明孝武時創修歷數百年至清康熙間始續修之今又二百五十餘年矣地形物質文化日進歲增目存而耳食者傳之久或積漸忘之斯固幸是邑者所當勉勉組存者也既設局肇始余自愧祿薄不足以助厚貲幸邑之賢俊相籌畫而竣其業甲子縣志成余適離任居濟南邑人以余曩預是謀問序於余余惜聞政未久不得竟其績爰述志書爲用如此後之君子其致意焉是爲序
中華民國十三年十月侯蔭昌識

無棣縣志續修序

邑之有乘猶國之有史也資攷鏡寓勸懲顧可一日少哉夫閱世生人閱人成世積久至二百數十年之多無論山川之險夷幅輳之廣狹戶口之登耗物產之盈絀與夫俗尚之貞淫奢儉治理之純駁得失逐時爲更即忠臣孝子節婦義夫有待於表彰者指不勝屈此泐筆記錄生於斯長於斯者責無旁貸也雖然言之匪艱行之維艱吾棣縣志自先文敬公歷四載之勞成書於康熙紀元之六年越今且二百五十餘年傳聞中間宿儒王熙甫先生手爲續稿而未出以問世後經兵燹門祚亦衰藏稿遂付諸蕩然有清之季邑中奉文志鄉土僉謂縣志嚆矢茲焉驟步然言之者不一人而出而爲之者卒鮮轉瞬變遷風微人往徵文考獻蓋駁駁乎難之又難焉壬戌冬張君秋陽與韓子文華商衷輯先正遺文名曰無棣文徵以津逮後學韓子曰先生斯舉旌已往勵將來嘉惠之意至矣顧事尤有大於是者邑志失修已久及今不爲後將登難僣沿襲其舊踵事奚增庶續爲新開幽務至先生爲之其無難乎張君曰是余之志而未逮也今既殷殷爲言余不敏敢畏其難於是偕王君夢榆集合同志開會議決遂設局所事採輯俾亦追隨諸君子後與聞討論惟作炊無米巧婦難爲始雖簿集捐資聊供紙墨之費而筆耕之士枵腹從公勢所不能彼五都之市一閭之集成以貨泉爲命脈況鉅室必大木是需長途非一蹴可幾挹注無源水涸立待設非邑侯侯儀夫捐廉提倡與郭子益忱繼起籌維其不至掘井棄井蹈於言之匪艱行之維艱也幾希爾得郭廳長紹武張將軍少卿王旅長錫三各捐鉅款而不畏其難者始獲畢其堅毅志力以底於成計自癸亥春迄甲子冬越兩寒

暑而稿脫今將謀排印成書用弁言於首以誌是事緣起訖止并
以見成事始終之不易云

民國十有四年歲乙丑孟夏之間

邑廩貢生張樹英任夫甫謹序

無棣縣續志序

吾人最可憾之事莫過於志有而力不逮夫所謂力者非惟財也
有其財而無其人或有其人並無其財而無其遇皆不足以展吾
力而償吾志九烈幼時勝衣就傳每見鄉先進與吾師談吾邑星
塾方與俗習物產與夫碩彥顯官及一切節烈忠孝廉讓任卹可
則可效可紀可傳之事輒傾聽而輟讀嗣讀左氏春秋至召太保
賜齊太公履曰北至於無棣乃知吾省一百七縣其得名最古者
莫吾邑若讀經之暇間及諸子又以知管子所以霸齊者官府山
海亦吾邑是資焉弱冠以還留心世務乃索取無棣縣志讀之欲
以印證吾曩者所聞讀竟嗒然若有所亡蓋縣志之失修久矣終
於故清康熙紀元之六年其六年以後事蓋闕如也嗟乎天道三
十年而一變今乃步算推移垂二百餘年鄉不登而里不書一聽
無棣縣志小引

文獻之自爲湮沒後有作者難爲繼矣竊不自量輒欲懲思邑人
踵續成之顧余謏陋寡學非能蒐輯之人而又財無所出亦惟抱
此志以顓將來而已無何制科報罷余乃汲汲於祿養風塵鞅掌
二十餘年去鄉日遠且久此志亦漸闕置今年春躬承簡命歸典
邦計舉凡一百七縣之田賦戶口胥羅列於几案間觸目動心夙
抱乃復萌發而卒卒竟無片晷暇偶涉冥想他日解組歸林定當
執簡以隨鄉先進之後以償吾志此時則未之逮也八月既望余
弟光謙來省解裝出巨帙凡六冊以質余余受而讀之既驚且喜
曰嗟乎此非吾邑續志之已定稿乎抑何其完且備耶余因之有
感焉撰述之人每間世而一出不避艱苦尤爲人情所難今以續
學之張秋陽先生主纂而又輔以才識兼優之邑校君子同堂探
討三歷寒暑甚至窗螢枯死而不恤不可謂無人垂成功敗後起

者却步非徒作者心灰也去年功虧一簣幾以贊醫坐廢余弟光謙固請於邑侯侯公提倡釀貲並助爲籌維任奔走竟一呼而巨貲立集不可謂無人與財設當日者不有張秋陽先生及邑校諸君子此舉必閣置不有侯公出爲提倡此舉雖不閣置而亦同於閣置嗟乎遇豈偶然哉余於此舉無毫末之力而坐償吾弱冠以還未償之志碌碌因人惡已然余弟實身預其役其去余之自爲力也相差幾何是則余之遇不尤奇也哉亟分俸金付余弟俾稍助校刊之需於其歸也爲之序如此亦聊以釋吾之憾而已至於編繙造之經過與夫部類之正確材料之豐贍則有張秋陽先生及邑侯侯公之序在可按也不複贅

中華民國十四年十一月 無棣郭光烈序於山東財政廳公廨

海豐縣志舊序

胡公著

以海豐而列於濟南所屬二十六邑之中猶黑子之著面也其由鹽慶而達潞河以望畿輔則猶襟帶之屬衣領也予既承乏文獻是徵辱諸縉紳先生朝夕提誨父老子弟燥溼相規迨茲三冬拮据瘡痍未有成績以慰夙夜意惟是掌故之弗脩而紀載之弗備語云不習爲吏視已成事邑之有志又安可闕乎哉會者儒西澤張先生以所纂著示予予受而卒業已而深思喟然而嘆曰一邑猶一家也邑之有志猶家之有簿籍也故上稽之天時下辨之地理中數之人事三才具而古今之變悉矣其爲卷十有二爲類四十有六表誌記傳文而不飾詳而不蕪婉婉乎其言之將以示令茲土者勿負乎家人父母之義云爾而予乃重有愧焉夫兩陽不齊而水旱之備疎也秋一不登而嗷嗷待哺者幾何矣鄰壤相錯而干揆之不遑及也地故瘠而增之賦前之以王莊舉畝坐重累者是何額也人才蔚起名公碩士項背相望顧絃誦之風猶微而雀鼠之習未化學道而愛人易使豈徒諉之前聞乎即縉紳先生不予鄙棄而予日與父老子弟貌赤相對所謂家人父母者將遽巡焉而俟之後之君子乎晦明風雨古猶今也山川形勝古猶今也士女農商古猶今也凡令茲土者當時無赫赫名去後猶令人見思者獨何人乎即何得以時異勢殊而謂吾之不得行所志也彼家人父母推乾就濕顧我復我又何居焉然則志一邑者固一邑之志而非僅一邑也驢山連馬谷以眺岱宗龍灣引無棣而入汴海由一邑而推廣之其文獻徵諸此矣康熙庚戌冬嘉平月

海豐縣志舊序

王清

邑之有志也猶國之有史也其體主於紀載其文則史所以昭信

查看完整版

付费下载



【百万古籍库】

<https://www.fozhu920.com/list/>

【易】【医】【道】【武】【文】【奇】【画】【书】

1000000+ 高清古书籍

打包下载





【风水】风水命理资料合集_9500 本

阴宅阳宅、风水堪舆、八字命理、手相面相、符咒卦象、奇门遁甲、紫微斗数.....



【中医】中华传统医学资料大全_15000 本

针灸、推拿、正骨术、汉医、苗医、民间秘方偏方、药洒药方、祖传医术、珍本...



【道术】道家法术\茅山术\符咒术\气术_3000 套

修真秘籍、丹道、道家秘术、胎息功、内丹术、茅山法术、道家符咒、巫术、...



【武术】传统武术与现代搏击术_6200 册

少林、武当、太极拳、形意拳、八极拳、咏春拳、气功、散打、格斗、拳击、...



【集藏】经史子集库_13300 卷

【经史子集】楚辞、汉赋、诗集、词集、宝卷、正史、编年、别史、纪事本末、地理志...



【国画】传世名画 _ 6100 卷

唐、金、辽、宋、元、明、清 800 多位画家近 6000 多幅传世...



【县志】方志\地方县志\乡志\地理志_8100 册

府志、区志、乡志、地理志..... 此合集为全国范围地方县志\府志古籍影印电子版，...



【国学】中华古籍库—32 万册古籍书

32 万册《中华古籍库》 【32 万册影印古籍 + 20 多亿字，带检索器和阅读工具】 包括各地方志、日本内...

【更多】 >> <https://www.fozhu920.com/list/>